

इवनिंग डोगरी न्यूज़ बुलेटिन

समे-18:15 Hrs

एह आकाशवाणी जम्मू ऐ, संजा खबरें च तुंदा सुआगत, पैहलें खास-
खास खबरें कन्नै में प्रोमिला जम्वाल।



Headlines

- 1 भारती जनता पार्टी दे सीनियर लीडर ते केंद्री गृह मंत्री अमित शाह अज्ज अपने द'ऊं दिनें दे दौरै लेई जम्मू पुज्जे। गृह मंत्री भारती जनता पार्टी दी प्रचार मुहिम दा श्री गणेश करंगन।
- 2 पूरे जम्मू-कश्मीर च जमीनी सतह पर स्वीप प्रोग्राम आयोजित कीते जा'रदे न।
- 3 केंद्री सेहत मंत्री जे.पी. नड्डा होरें दस्सेया ऐ जे आयुष्मान भारत तैहत मुल्खै दी 44 फीसद आबादी गी लाह पुज्जा'रदा

ऐ। जेदे तैहत 5 लकख रुपें तोड़ी दी ईलाज कुआलजे दी
स्हूलत मुहैया करोआई जंदी ऐ।

- 4 जम्मू ते श्रीनगर च औंदी 3 अक्तूबर थमां लेजेंट्स लीग
क्रिकेट दी मेजबानी करोग।

<><><><><><>

ते हुन खबरें दी तफसील कन्ने श्रुति खजूरिया।

JK-Political Rallies

भारतीय जनता पार्टी दे वरिष्ठ नेता ते गृह मंत्री अमित शाह होर
अज्ज 2 दिन दे दौरे लेई जम्मू पुज्जे। पार्टी दे वरिष्ठ नेताएं जिंदे
च केंद्री मंत्री जी. किशन रेड्डी ते डॉ. जतिंद्र सिंह होर शामिल हे,
जम्मू पुज्जने पर उंदा सौआगत कीता। शाह हुंदा एह दौरा भारतीय
जनता पार्टी दे चुनां अभियान ते तयारिएं दे मद्देनजर बड़ा
महत्वपूर्ण ऐ। जम्मू पुज्जने मगरा शाह होरें भारतीय जनता पार्टी
दे चुनावी घोषणा पत्र गी जारी कीता। एहदे च प्रदेश लेई पार्टी दे

नजरिए ते लक्ष्यें गी रेखांकित कीता गेआ ऐ। कल शाह होर जम्मू शैहर च इक व्यापक चुनावी रैली गी संबोधित करंगन। शाह होर सितंबर दे अद्दे च कश्मीर दा दौरा लांगन ते उत्थे चुनावी रैलिएं गी संबोधित करंगन। भारतीय जनता पार्टी दा चुनाव प्रचार रफतार फगड़ा रदा ऐ। इसी प्रधानमंत्री नरेंद्र मोदी हुंदे दौरे कन्नै होर बल थहोग। प्रधानमंत्री हुंदे अलावा होर दुए वरिष्ठ नेता बी पार्टी लेई चुनाव प्रचार करडन। पार्टी नै दुए गेड़ दे विधानसभा चुनाव आस्तै अपने स्टार प्रचारकें दी सूची बी जारी कीती ऐ।

<><><><><><><>

SVEEP-Poonch

स्वीप पैहलकदमी बारै जागरूकता बधाने लेई अज्ज पुंछ च साड्डे 500 विद्यार्थिएं इक जागरूकता रैली च शिरकत कीती। माल मैहकमे दे असिस्टेंट कमीशनर कादिर उल रहमान होरें झंडी दस्सियै इस रैली गी खाना कीता। एह रैली दीनानाथ मेमोरियल हायर

सेकेंडरी स्कूल थमां शुरू होई ते पुंछ दे खेड्ड मैदान च जाइयै सम्पन्न होई। इस दौरान मतदाताएं गी जागरूक करने लेई विद्यार्थिं हत्थै च बैनर फगड़े दे हे ते ओह मतदाताएं गी शिक्षित करने लेई नारे बी ला रदे हे। स्वीप पुंछ दे नोडल अफसर अंजुम शाहीन होरें आकाशवाणी कन्नै गल्ल करदे होई आखेआ।



Doda-SVEEP

डोडा दे स्कूली शिक्षा मैहकमे आस्सेया ठाठरी च स्वीप तैहत इक रैली दा सरिस्ता कीता गेआ। इस रैली च खरी मती गिनतरी च स्कूल दे विद्यार्थिं हिस्सा लैता। जिनें रैली कड्डी ते लोकें च वोट पाने दे महत्व बारै जागयकता बी फैलाई। इस मौके मुख शिक्षा अधिकारी होर बी मौजूद हे, उनेंगी रैली च सक्रियता कन्नै हिस्सा लैता ते किट्ठ गी संबोधित कीता। सीईओ होरें लोकतंत्र गी मजबूत करने च युवा मतदाताएं दी सक्रिय हिस्सेदारी पर जोर पाया ते

विद्यार्थिं गी अपील कीती जे ओह् अपने परोआरें ते समुदाय दे लोकें गी मतदान दे महत्व बारै जानकार बनान। आकाशवाणी कन्नै गल्ल करदे होई पैहली बारी आले मतदाता नै आखेआ।

<><><><><><><>

DEO-Jammu

जम्मू दे जिला चुनां अधिकारी सचिन कुमार वैश्या होरें जम्मू यूनिवर्सिटी थवां स्वीप वैन गी झंडी दस्सिए रवाना कीता। बक्ख-बक्ख नोडल अफसर जिंदे च ADDC जम्मू शेर सिंह, एडीसी जम्मू अनसुइया जम्वाल, एडीसी जम्मू शशीर गुप्ता हुंदे अलावा कई सारे अफसर मौजूद हे। इसदा मकसद मतदताएं गी वोट दे महत्व बारै जानकार बनाना ऐ। इस मौके पर बोलदे होई जिला चुनां अधिकारी होरें आखेआ।

<><><><><><><>

Samba-SVEEP

साम्बा जिले दे बक्ख-बक्ख कालजें च पढ़ने आले विद्यार्थी जेड़े हाल च 18 बरे दी बरेस दे होए न, ओह् ओँदे विधानसभा चुनाएं गी लेइए बड़े मते उत्सुक न। एह् विद्यार्थी वोट पाने दे अपने अधिका दा पेहली बारी इस्तेमाल करंगन। आकाशवाणी समाचार कन्नै गल्ल करदे होई उनें आखेआ।

<><><><><><>

JK-cong. List

कांग्रेस अध्यक्ष मल्लिकार्जुन खड़गे, पार्टी दी साबका प्रमुख सोनिया गांधी ते राहुल गांधी हुंदे अलावा AICC दी महासचिव प्रियंका गांधी वाड़ा हुंदे सने कई सारे वरिष्ठ नेता जम्मू-कश्मीर च होने आले विधानसभा चुनां लेई प्रचार करने आस्तै आवा रदे न। स्हाड़े संवाददाता नै जानकारी दिती ऐ जे कांग्रेस महासचिव जयराम रमेश, के.सी वेणुगोपाल, सचिन पायलट, गुलाम अहमद मीर, हिमाचल प्रदेश

दे मुखमंत्री ते होर कई सारे नेताएं दे नां उस सूची च शामिल न
जेड़ी पार्टी आस्सेया चुनां आयोग गी सौंपी गई ऐ। जम्मू-कश्मीर
प्रदेश कांग्रेस प्रमुख तारिक हामिद करी, वरिष्ठ नेता सलमान
खुर्शीद, अजय माकन हुंदे सने 40 नेताएं दे नां सूची च शामिल न।
पार्टी दे नेता राहुल गांधी होरें केंद्र शासित प्रदेश च पार्टी दे चुनां
प्रचार अभियान दी शुरुआत कीती ही। जम्मू-कश्मीर च विधानसभा
दियां 90 सीटां न। इत्थे त्रै चरणें च 18 ते 25 सितंबर ते पैहली
अक्टूबर गी चुनां होना ऐ। वोटें दी गिनतरी आला कम्म 8 अक्टूबर
गी होग।

<><><><><><><>

ते हुन बाकी दिएं खबरें कन्नै प्रोमिला जम्वाल।

JP-Nadda

केंद्रीय सेहत मंत्री जे.पी. नड्डा होरें अज्ज आखेआ जे प्रधानमंत्री
नरेंद्र मोदी हुंदी अगुवाई च सेहत विभाग मुखै च इलाज मुआलजे
दियां पूरियां-परातियां सेवां हासल करोआने पर ध्यान केंद्रित करा

रदा ऐ। अज्ज पटना च इक समारोह गी संबोधित करदे होई उनें दस्सेया जे आयुष्मान भारत दी पहुंच 12 करोड़ 75 लकख परोआरें तगर ते मुल्खै दी 44 प्रतिशत आबादी तगर ऐ जेदे तैहत 5 लकख रुपें तकर दे ईलाज मुआलजे दी सहूलत ऐ। उनें आखेआ जे एहदे शा पैहले मुल्खै च 6 अखिल भारती आयुर्विज्ञान संस्थान हे पर मोदी सरकार दिएं कोशशें करी एह आंकड़ा हून 22 तोड़ी जाई पुज्जा ऐ।

<><><><><><>


BJP-Kathua

हीरानगर हल्के थवां भारती जनता पार्टी दे मेदवार एडवोकेट विजय शर्मा होरें अज्ज अपना नामांकन पत्र दाखल कीता। इस मौके पर केंद्री मंत्री डॉ. जतिंद्र सिंह बी मौजूद हे। केंद्री मंत्री होर समाधी स्थल थवां रिटर्निंग अफसर हुंदे दफ्तर तगर होई दी रैली च शामिल होए। इस रैली च पार्टी दे सैकड़ां बद्दे समर्थकें हिस्सा लैता। शर्मा हुंदे आस्सेया नामांकन पत्र भरे जाने मगरा हीरानगर च इक रैली च बोलदे होई डॉ. जतिंद्र सिंह होरें आखेआ।



PM-Teacher Day

प्रधानमंत्री नरेंद्र मोदी होंरें शिक्षक दिवस दे मौके पर कल सम्मानित होए दे शिक्षकें कन्नै गल्लबात कीती। इस दौरान केंद्रीय शिक्षा मंत्री धर्मेन्द्र प्रधान होर बी मौजूद हे। इस बरे राष्ट्रपति द्रौपदी मुर्मू होंरें 82 शिक्षकें गी पुरस्कार भेंट कीते हे।



RNU-Reasi

दूरदर्शन समाचार दी क्षेत्रीय समाचार इकाई आस्सेया दस्तखत करने आले इक अभियान दी शुरूआत कीती गई। एह अभियान मतदाताएं गी जागरूक करने लेई चलाया गेआ ऐ। इस दौरान अमले ते विद्यार्थिं गी उंदे बुनियादी हक्क यानि वोट पाने दे अधिकार बारे जानकार बनाया गेआ। रियासी दे जनरल जोरावर सिंह मेमोरियल कॉलेज रियासी दे विद्यार्थिं गी मतदान बारे जानकार बनाया गेआ। आकाशवाणी कन्नै गल्ल करदे होई किश विद्यार्थिं आखेआ।

